


ادبیات عمومی و تجربی

هفته‌لق سیاسی ، ادبی و علمی غزته‌در

جلد : ۱

سنه : ۱ ۲۰ صفر ۱۳۳۵ جمعه ایرتسی ۳ کانون اول ۱۳۳۲ نومرو ۷



نشان طاشی ، ۲ کانون اول ۱۹۱۶

محب نجیم جلال نوری بك ،

« ادبیات عمومی و تجربی » نك ايلك نسخه‌سنى او قوركن ، بر صحیفه‌سنده کی اجوبه‌دن طولانی رنجیده ذوق اولدیغنی سزدن کتم ایتمشدم . دائماً استقباله و دائماً کماله معطوف اولسنى ایستدیگم انظار ذکا کزی ، شونك بونك انقاص ضلالی اوزرنده بر دقیقه ، بر ثانیه اولسون کزینیر کورمک بی متأثر و مشتکی ایدر .

فقط نسخ‌تالیه ؛ انفعالی تسکین‌ایله آرزولرمی تطمین ایتدی . احتوا ایتدیکی مباحث ، اصحاب اختصاص طرفندن مدققانه یازلمش ؛ حادثات جاریه‌بی کونی کونه تعقیب ایدر بر مجموعه‌یه بوقومک احتیاجی واردر . اویله‌ظن ایدیور و کوریورم که « ادبیات عمومی و تجربی » او احتیاجک مطرد بر واسطه استیفا سی اوله‌حق . بوعاجزی معاونین قلمیه‌سندن زیاده ، قارئین متشکرها سی میاننده کوررسه جداً افتخار ایدرم .

هر مقاله کی اوچنجی نسخه‌ده کی (چیچک انجمن داشی) بندینی‌ده دقتله‌او قودم . اجداد منک مفاخر حسیه‌سی میاننده بحق لائق تعداد اولان شکوفه پرستلک حقنده تدقیقات دورادوره مستند معلومات ایله جواد رشدی بك تاریخمزه خدمت ایدیور . لاله‌حقنده کی تدقیقاتی نه قدر قیمتدار! . . . کاشکی (لاله) نك ادبیات ایله مناسبتی تدقیق و تعیین ایده‌جک بر صاحب همت ده‌ا اولسه ! . . . شوکت بحارینک ،

زان برق بی نمود جهان لاله‌زار شد
کلشن پراز کل است و بهار از میان گم‌است ! . . .



تاریخ حرب



[۲۴ — ۳۰ تشرین ثانی ۱۳۳۲]

صوك هفته ، اتفاق مربعك اك زياده قوتى بپراتدينى ائتلافيلىرجه ناشكيبانه اميد وتخمين ايدلىكى شو صيراده ، بالعكس اونك پك پارلاق وپك قطعى صورتده قازاندينى ظفرلك ولوله شرفيله ، بزلى شاد و دشمنلر حرك اميدلرينى ، حسابلرينى ابدىاً محو وكسر ايتدى . فى الحقيقه بو صوك هفته ده ، خفيف مشربانه برغيرتله دشمنلر حرك صفنه قاتيلمش اولان رومانيا قراللىقك پايختنده تورك - آلمان - آوستريا و مجار - بولغار عسكرلرينك قىلچلرى شاقيردادى ؛ بكرش اكابرينك زينت آتلى دولاشان (كيشه لهف) شوسه سنده بزم سواريلر يمزك نعللرى طنين انداز شهامت اولدى و ، بوسفيه ومهين قراللىق انهدامه دوغرى ايجه نمايل ايتدى .

رومانيا بويله بلجيقا ، صربستان و قره طاغك يووارلاندىلرى حفره استيلايه ايتيله قاقيله ، كال ذلت وهزيمتله سوق ايدىلىر كن ، كنديسى بويوله تشويق وتحريك ايتمش اولان دوستلرى انكليزلرله فرانسزلر غريبده (صوم) و (آنقر) جبهه لرنده قره غول فعاليتندن وتأثيرسز براعتيا د حكمنده كي طوپچى آتشدن باشقه بر شى ياپمايورلر و ياپمايورلر . بوكا مقابل ، بالعكس ، متفقمز آلمانلر (موز) ايله (موزهل) آراسنده ، آرغونده وشامپانياده فعاليتلرينى كوروپورز . (وردون) ده فرانسزلر (دواومون) و (وو) دن كرى پوسكورتمكك افتخار ايتدكلرى آلمانلر ، بر معتاد هيچ اومولاز كن تعرضه كچهرك (موز) ك صول طرفنده و (مالانقور) كوينك جنوب شرقيسنده كاش مشهور (۳۰۴) راقلى تپه نك ذروه سنى ۶ كانون اولده ضبط و مدافعلرينى اسير ايتديلر . فرانسزلر ك مقابل تعرضلرى فائده و يرمه دى . هر حالده اولكى نسخه لر يمزده كي تخمينلر من وجهه ، آرتق غرب جبهه سنده انكليز - فرانمز فعاليتى نهايت بولمدر . وصيرا اتفاق مربعك اركان حربيه سنك اراده و تقديرينه كشه در . نته كيم نيم رسمى (نورد دويچه آلكه مائنه چايتونخ) غزته سى محابرى ، انكليزلر ك (آنقر) طرفنده كي صوك يارمه تشبى اوزرينه صوم جبهه سنده قيش سكونك باشلامش اولديغنى يازيور . فقط اسيرايدىلن انكليز و فرانسزلر نوئل يورطيلرندن اول (آراس - باپوم - پهرون) خطنك اشغال ايديله چكى كندى اركان حربيه لر نجه قطعياً مقرر بولنديغنى سويله بورلر مش . نه بيهوده خوليار ونه قدر فعلياتدن اوزاق قرارلر ! هر حالده غرب جبهه سنه كال سكون واعتمادله نظر ايدىليرز .

ايتاليان جبهه سنه دائر آوستريا - مجار تبليغ رسميلرى صوك هفته ده اكثراً « شاپان قيد برشى اولماديغنى » يازديلر . وبراى كون (قارست) اوزرنده شدتلى طوب آتشى و جنوب شرقيده آلونيا جبهه سنده (وويوسا) نهري اوزرنده قزه غول مصادمه لرى اشعار ايتديلر . ايتاليانلر ، فكر منرجه ، رومانيانك ازيله سيله صيرانك كنديلرينه كله جكندن اندیشه ناك ، ذها زياده مدافعه حاضر لقلرينه كرمى و يرييور اولسه لرك .

ماكدونيا جبهه سنده ساراي اوردوسنك قانلى وعقيم جهدى بالخاصه صول جناحنده دوام

ایدیور . بولغار و آلمان تبلیغ رسمیلرینک بو جبهه یه عائد قسملرنده ، دشمنک (چرنا) قره صو قوسنده بوتون هجوملرینی تمرکز ایتدیردیکنی اوقویورز . صوکره عین اسملر تکرر ایدیور : موغله یچا ، بلاسیچا ، غراده سنیچه ، استروما ، طارنوا کبی . ائتلاف قربانلری اولان صربلر آلمان-بولغار خطوطنه کرک چرنانک شرقنده و کرک مرکزنده ، کرک مناسترک شمال غربیسنده (طارنوا) ده دلی کبی هجوم ایدوب طورویورلر و قوتلری توکهنیور . بودو کوان قانلرک نه قدر عقیم قالدیغنی آکلامق ایچون دشمنلر مناستردن اصلا ایلری کیده مه دکلرینی والآن هجوم ایتدکلری (طارنوا) موقعنک مناستردن برقاچ کیلومتر و مسافه ده بولندیغنی سویله مک کفایت ایدره . استروما جبهه سنده ، (تاخیانوس) کولنک شمانده و سیروز جوارنده انکلزلرک هجوملری بر معتاد عقیمدر . بوراده ده چاناق قلعه غالی اولان (تورک) انکلزلرک قارشیسنده در .

روسلرک ، (بوقوینا) نك غربنده و جنوبنده اورمانلی قارپاتلرده ورومنلرک مدافعه سنی اونلره بر اقدقلری شمالی رومانیا نك غرب حدودنده شرقی ترانسیلوانیا داغلرنده اجرا ایتدکلری بيسود و قانلی هجوملر استئنا ایدیلیرسه ، روس جبهه سنده صو ک هفته ده هیچ بر شی اولمادی دینه بیلیر . روسلر ، افلاقدن قاچار جه سنه بر سرعتله منهزما رجعت ایتمکده اولان رومنلری قورتارمق وظیفه سی بوتون ائتلاف طرفندن . کندیلرینه تودیع ایدلش اولدیغندن ، اورمانلی قارپاتلرده (یابلویچا) و یا (تاتار) کچیدن اعتباراً (سموتره چ ، بابا - لودووا ، یاقوبه نی ، طولچیه ز ، او قنا ، اوز ، اویتوس ، سوسمه زو ، باشقا) کچید و وادیلرنده روس اصولی اوزره صفرجه عسکرلر اسراف ایدهرک اک قانلی هجوملرده بولونیورلر . فقط بوراده بولنال جنرال (قووه س) وفون (آرچ) قطعاتی بوتون بو هجوملری اریتوب هو ایدیورلر . روسلرک بر ایکی موضعی ، تپه ، صرت ضبطی کبی موفقیتلری بیله در حال اللرندن کری آلدیغنی کوروپورز . اتفاق مربع اوردولری آرتق قالا ص ، ابرائیل طرفلرینه یاقلاشدقلری صیراده ، بزجه روسلرک یو هجوملرده اصرار ایتمه لرینه سبب و محل ده قالمایور .

اک مهم وقائعک جریان ایتدیکی رومن صحنه حربنده ، کچن هفته تاریخ حربیزی یازدیغمز چهارشنبه کونی اوکله دن اول ما کنزن اوردوسنک بکرشه داخل اولدیغنی تبشیراتی پنجشنبه کونی شهر یزه کلدی . کچن نسخه مزده ، (قامپولونغ) و (پیته شتی) کبی مهم استناد نقطه لرینی و طاع مخرجلرینی غائب ایتمش اولان رومن اوردوسنک (آرکesh) ملحه سنه کیریشمه سنده کی خطایی و بومحاربه ده بالطبع منهزم اولدیغنی جهته آرتق (بکرش) و (پلوته شتی) یه صیرا کلدیکنی یازمشدق . رومنلر ، تخمینمز وجهله ، بکرشه ۱۰۰ بیک کشیک نهایت اسارته معروض قاله جق بر اوردو براقه مایه جقلرندن یاریم میلار فرائق صرفیله وجوده کتیردکلری بکرش قلعه سنی بلا مدافعه ترک ایتدیلر . و بوبرنجی صنف موقع مستحکمک باشلیجه ۱۸ زرهللی قلعه سیله آراده کی بطاریه لری و کوچوک طابیه لری بوتون لوازم و مهماتیه متفقلر انه کیردی . دیگر سلاح آرقداشلیله برلکده بوسفیه رومن پایتخته کیره ن تورک نفرلری خلقی نه غازیولرده و سفاهتخانه لرده ، ینه بشوش و ممنون بولدیلر . بکرشک سقوطی انتاج ایدن آرکesh محارباتنده ۷۸ نجی پیاده آلایمزک کندیسندن ۸-۱۰ مثلی فضله دشمن قوتی قارشیسنده ثبات و خصمی مغلوب ایله دیکی و بوضورتله - کچن نسخه مزده اشارت ایتدیگمز - طونه اوردومزی (آرکesh) و (نه آیلوف) نهرلرینک منصب طرفندن صاره رق حربی قازانق

ایستہیں خضم پلانٹی بوزدینی ، والحاصل آرکھش میدان محاربہ سنک مہم بر عامل ظفری اولدینی بالآخرہ کلن خبرلردن اکلشیلدی و ہر تورک سینہ سی افتخارلہ قاباردی .

بکرشک سقوطیلہ بر کرہ شمندوفر مرکزی اولان پلوٹہشتی قصبہ سی و بردہ سینایا - قامینا طرفلری یعنی زنکین پتول معدنلرینک بولندینی (پراہووا) وادیسی تماماً متفقین الہ کچدی . بورالردہ علی الغلہ یا قالاتان برفرقہ قدر رومن قوتی اسیر ایدلیدی کبی پتول معدنلرینہ و تاسیساتنہ خصمک ہیچ برشی یاپامادینی آکلشیلدی . آرتق اوردولریمز بکرش و پلوٹہشتی شرفندہ ، و جنوبہ طوراقان و سلسلہ دہن و بالآخرہ چرناوودادن طونہ یی مرور ایدن . دوبریچہ اوردوسی قوتلری دہ جنوبدن ، شرق جنوبیدن روس - رومنلری تعقیب ایدیور . یاغورلہ چامور دریاسی حالنی آلان دوم دوز افلاق کبیر اووالرندہ ہر تورلو استناد موقعلرندن و قوۃ معنویہ دن محروم بولنان رومن اوردوسی قاچغہ چاپالایور . چونکہ بریردہ بر آرز طاقیلحق اسارتی قبول دیمکدر . حتی رومنلرک آرکھش محاربہ سندہ طونہ ساحلندہ بر آرز فضلہ اوایلانمش اولمالری کندیلرینخ بوسبوتون فنا بر موقعہ دوشورمشدر . اوسبیلہ متفقلریمزک اوچ طرفدن قووالادقلری بویلہ پریشان اوردولرک اوغرادقلرینہ اوغرایورلر : ہرکون بیکار و بیکلرچہ اسیر ویریورلر . شیمدین متفقلریمز (میزیل - اورزیچہ نی) خطنہ واصل اولدیلر . (ابراہیل - قلاص - فوقشانی) خطندن اول رومنلر بر یردہ توقف ایدوب بر حرب دہا ویرہ بیلہ جکارمی ؟ ظن ایتہ یورز . واقعاً بسارابیادن و شمالدن متامدیاً روس - رومن قوای امدادیہ سی کلہ ییلر سہ دہ وضعیت سوق الجیشیہ کندیلرینہ شیمدی ہیچ مساعدہ کلدر .

آرتق رومانیانک حسابنک دہ یوزدہ یتشی کورلشدر . افلاقک یوز بیکلرچہ واغون ثروت ذخائری المزہ کچدی . جہہ مز ۱۲۰۰ کیلو مترہ دن ۳ - ۴ یوز کیلومتریہ ایندی . یاقیندہ افلاق جہہ مز دوبریچہ دہ کی جہہ مزلہ برلشہ جکدر . غربی افلاق دہ تجرید ایدلش اولان ایکی فرقہ قدر رومن قوتی دہ اکثریتلہ اسیر و قسماً اتلاف اولنہرق محو ایدلدی .

عثمانلی دارالحربلرندہ مہم برشی اولمادی . باش قوماندان وکیل محترمی انور پاشا حضرتلرینک کچن ہفتہ مجلس مبعوثان و اعیانندہ وضعیت حربیہ دہ اثر و یردکری ایضاحات تقدیرلر وستایشلرلہ یاد ایدیلہ جک قدر مکملدر . روسلر بزم وسائط نقلیہ مزک نقصانندن دولایی قافقاسیہ جہہ مز دہ بر آرز ایلریلہ مشلر سہ دہ پاشا حضرتلرینک تعبیرلری وجہلہ « حرکات آتیہ کورہ نہ صورتلہ دوام ایتک لازم کلہ جکسہ اوکا نظراً استحضاراتدہ بولنمشدر . » باخصوص بورادہ غائب ایتدیکمز اراضیہ مقابل متفقلریمزلہ برلکدہ غیر قابل قیاس درجہ دہ قیمتلی عوضلر آلدق . تورک اوردولری غالیچیا دہ ، افلاق دہ ، دوبریچہ دہ ، سیروز و درامہ دہ اثبات شہامت وقوت ایدیورلر و حق تاریخیلرینی جستہ جستہ ایادی غاصبہ دن قورتاریورلر .

بویلہ ہر جہہ دہ غالب اولان اتفاق صرب فضلہ قان دوکولہ سندن احترازاً آمریکا و اسپانیا سفارتلری وساطتیلہ ۲۹ شرین ثانیہ تکلیف صلحی حاوی بر تقریر و یرمشدر کہ دشمنلر مز ، غالب طرفدن کلن ہوانسانیتکار دعوتی دہ قبول ایتزلرسہ وای حاللرینہ ! میدان شان وقوت بزمدر .